

雲南省城六河圖說

地713.5
153

圖整正庫

光緒庚辰年重鐫


雲南省城六河畝說

糧署存板

928.28
165

108 82

六
河
總
圖



大普吉頭

馬茨
新橋
金閣寺
蘇園
古城池
牛湖
許家橋
西濟橋
梁家河
源橋
黑林舖
安永橋

黑龍潭
東龍潭
北龍潭
南龍潭
西龍潭
白龍潭
開分
開尚
開和
開文
開珠
開華
開南
開西
開東
開北

松華
龍川
松華
龍川
松華
龍川
松華
龍川
松華
龍川
松華
龍川

黃龍潭
青龍潭
黃龍潭
青龍潭
黃龍潭
青龍潭
黃龍潭
青龍潭

蓮湧
轉塘
西河
聖地
家嚴
河蓮採
河家太
河家金
河家三
河家雙
河家鳳
河家三
河家三
河家三

大東門
小東門
南門
西門
北門
東門
西門
南門
北門

金汁河
底底
開開
開開
開開
開開
開開
開開

白泥村
高坡
西村
鐵線溝
老崖橋
麻線溝
楊頭溝
廣濟溝
楊柳溝
塘家毛

近華園
大華山
昆池
白沙河尾
尾河象寶
溝楊老光

雲澤橋
雲澤橋
雲澤橋
雲澤橋
雲澤橋
雲澤橋
雲澤橋
雲澤橋

金種開
橋七
橋七
橋七
橋七
橋七
橋七
橋七

北營
楊羅堡
左衛溝
楊羅堡
左衛溝
楊羅堡
左衛溝

尾河料馬
新橋
新橋
新橋
新橋
新橋
新橋
新橋

廣濟河
廣濟河
廣濟河
廣濟河
廣濟河
廣濟河
廣濟河
廣濟河

廣濟河
廣濟河
廣濟河
廣濟河
廣濟河
廣濟河
廣濟河
廣濟河

廣濟河
廣濟河
廣濟河
廣濟河
廣濟河
廣濟河
廣濟河
廣濟河

六河總圖說

黃士傑

會城六河雖各有源但其源甚小其流無多除盤龍江水勢稍大原成河形來自嵩明州邵甸里至小東門以上河低田高不用江水灌溉東岸田畝係用金汁河水西岸田畝係用銀汁河水至分水嶺以下河高田低方用江水涵洞灌溉每遇春時雨水缺乏竟成乾河雨水沾足方能有水稍潤田畝若夏秋間雨水盛行山水漲發流入河內不能容納或致沖決漫溢淹壞民居利害相因勢使然也議者於夏秋間沖溢時查勘輒以創始之時立法未善河底太淺河身

太窄非挖深開寬難以暢流其說近理蓋以盤龍一江環護城市所最要緊者專防水害弗論水利其餘諸河如金汁銀汁馬料海源寶象等河分支最多俱資灌溉時值栽插滴水如金若將河挖深則水低田高若將河身開寬則水散流淺以防水害則得以收水利則失矣且歷年以來相度情形夏秋間充溢害不及一春夏間灌溉利不及百深且寬則爲利少淺且窄則爲利多古人於利害之間權度輕重備極苦心垂爲良法勿庸漫爲更張者也夫水利旣不可失而水害又不可不防除河堤加高培厚并疏通河尾

外非開子河別無長策查各河應開子河之處有原
有河形日久淤塞漸被耕佔有原無河形今應改修
關係民田者是宜徹底清查耕佔退出民田給價所
開子河大者建閘壩小者修涵洞可閉可啟可蓄可
瀉可收水利可防水害方爲長策至昆陽海口原瀉
昆海水勢宜以疏通爲要除大修開挖海口河身外
其歲修開挖塘子留住沙泥雖不能一勞永逸而子
河少入一分之泥則大河少受一分之淤塞補編救
弊大概如斯已

盤龍江圖說


盤龍江在會城東北來自嵩明州邵甸里其源有三
一自黃龍洞流百里一自黑龍潭一自冷水洞各流
二十里至三家村入石峽合流三十里至松華壩此
壩建自元時咸陽王賽典赤於鳳嶺蓮峯二山箐口
水出川原之間建松華壩以時啟閉自松華壩由蓮
峯山麓會城東門南壩一帶至雄川閣共計七十里
許由羅公閘入昆海又自松華壩蓮峯山麓鑿開一
河名金汁河此盤龍江之分支也其盤龍江自松華
壩流三十里許至分水嶺分爲二支一支向南流里

五

許又分一支名採蓮河向西流入草海又流里許至
南壩閘西流里許分三支一名金家河向南流入草
海一名太家河一名楊家河俱向西流入草海又自
分水嶺一支向西流里許又分二支一向西流出馬
蹄閘名永暢河西流入草海一向北流里許至柿花
橋又分一支名板壩河向西流入草海其正支流里
許至小澤口下又分一支名西壩河流由兜底閘入
草海又自小澤口下向北流入護城河向西流里許
至小西門外牛心閘流半里許又分一支名湧蓮河
向西流入草海又一支自湧蓮河向西北流至紅廟

名魚翅河向西流至土堆轉向南流入草海此盤龍江之源流也 此河情形自分水嶺以上東岸田畝係用金汁河水西岸田畝係用銀汁河水俱不藉盤龍江灌溉自分水嶺以下正河支河各派均屬田高河低俱用水車車入田中至修理事宜自小東門至分水嶺由馬蹄間桂香橋轉小澤口雞鳴橋入護城河兩岸關係民居者民自修理關係田畝者官管修理又自分水嶺下正河支河各堤岸俱係田畝官管修理如石工椿木官爲動項買備其土工人夫各按田畝派出此河規模已定無可更易惟楊家河頭水勢不順沙泥壅塞水流紆緩不利灌溉應將河頭改順修分水雞嘴一座以均分金太楊三河水庶沙泥不致壅塞灌溉亦屬便利又小西門外另有轉塘河係省城運糧之道居民耕佔灑秧及半水涸時舟行不利應禁止河內灑秧開通河道以資輓運

金計河圖



金汁河圖說

金汁河在會城東北自松華壩分注盤龍江水由蓮
峯山麓向西流壩旁設撇水大閘送水入盤龍江以
防水大漫溢河堤又撇水閘下設鎖水閘以平水勢
水小則開閘枋注水入金汁河以收水利水大則閉
閘枋送水入盤龍江以防水害又鎖水閘上面卽係
留沙橋以防水發時送蓮峯山箐沙泥送入盤龍江
免致壅塞金汁河身又留沙橋下數丈設撇水小閘
又數丈設瀉水小閘自瀉水小閘至接迎橋西流里
許至大將村下轉南由東山麓流三里許設戴金箔

八

閘又流七里許設漫水閘又流五里許設大小韓冤
二閘以上各閘水大則開閘枋將水送盤龍江以免
漫溢水小則閉閘枋將水收入金汁河以資灌溉又
自韓冤閘十五里許設小壩閘閘下流開成小河以
時啟閉灌溉東門一帶田畝並瀉河水流入盤龍江
又自小壩閘南流里許設三元閘閘下流卽明通河
以時啟閉灌溉東門一帶田畝并瀉河水入海又自
三元閘南流五里許至金馬山轉西南流設漫水閘
分瀉河水入王寶海又自漫水閘流里許設廣南衛
溝灌溉田畝溝水入王寶海又自廣南衛溝頭迎恩

橋轉北流二里許又轉西流至地藏寺又轉南流二里許至吳井橋流里許設金陵閘分河水向西流由明通河十字閘送水入盤龍江又自金陵閘南流七里設民軍溝洞引水入下五排三塘九圍乃積水堰塘每年自正月起至三月初旬沿河田畝不需河水之時將水收入堰塘之內以資灌溉又軍民溝頭南流三里許設燕尾閘正河分爲二支一支東南流入三塘下游向南入海一支西南流入海金汁河自松華壩起共計七十里許入昆海又三元閘下匯爲明通河自東門一帶由塘子巷直向南流夾於盤龍金


汁二河之間流三十里許入昆海此金汁河之源流也此河情形自松華壩起係就山開河東岸田高水低近者間用車戽灌溉甚少西岸水高田低沿河俱修涵洞放水入田水足封閉灌溉甚多至放水次第分爲五排自松華壩起至韓冕閘爲頭排自韓冕閘起至波羅村爲二排自波羅村起至小壩閘爲三排自小壩閘起至地藏寺爲四排自地藏寺起至燕尾閘爲五排先自五排輪起五排放水五日四排放水四日三排三日二排二日頭排一日半月一週週而復始其松華壩大閘每年係於臘下旬封閘偪水

入金汁河以資灌溉至次年栽插畢開閘放水入盤
龍江以瀉水勢至修理事宜石工椿木官爲動項買
備其土工人夫各按田頭派出再查此河上游楊梅
一菁山水入河沙泥壅塞河身應建十字流沙橋送
水入盤龍江以免沖塞又大波村馬料河沙泥衝入
河內河身已淺河岸甚低應開深河身培高河堤又
三元開有楊媽媽河沙泥沖塞河身應於河口建偃
沙壩免入河內并開深河身培高河堤又廣南衛溝
頭涵洞底下溝身窄小數村田畝不敷灌溉應修高
涵洞開寬河身又燕尾閘下河尾窄小應開寬河身

十

培厚河堤以上宜開修各處內有須開挖民田者宜
徹底查明方可動工

銀汁河圖



銀汁河圖說

銀汁河在會城東北源發黑龍潭由省城東北山麓
迴環紆流灌溉城東北一帶田畝潭口東開一溝名
東龍鬚向南流里許入盤龍江西開一溝名西龍鬚
向西流里許入盤龍江又正河設一大閘因時啟閉
以資灌溉并瀉水入盤龍江又西流數十丈設一過
洞由河底瀉水入盤龍江又西流半里許設十字流
沙開瀉五老山箐水入盤龍江以免沙泥壅塞河身
又西流半里許開一溝名一瓦水又西流半里許開
一溝名牛吃水二溝俱向南流灌溉田畝水入盤龍

江又正河西流里許開一堰塘名王公堰每年春分
積水以資灌溉又西流里許河西岸有白龍潭潭水
東南流半里許入正河設白龍潭閘又正河西南流
二里許有王俊閘又西流二里許設小營閘又西南
流半里許開一堰塘名龍王娘娘堰又西流數十丈
開一堰塘名驚蟄堰又西南流里許設玄殊閘又南
流二里許設分水閘又南流半里許開一堰塘名古
城堰又自古城堰東向西流匯入蓮花池瀉水入盤
龍江銀汁河自黑龍潭起其計二十里許入盤龍江
此銀汁河之源流也 此河情形水高田低開溝灌

溉分爲三排自黑龍潭起至王公堰爲上一排自王公堰起至龍王娘娘堰爲中四排自龍王娘娘堰起至童子橋下入盤龍江爲下六排每年於臘月初一日封閉黑龍白龍兩潭閘口收水入銀汁河以資灌溉次年驚蟄日放河水半月入驚蟄堰春分日放河水三日入王公堰嗣後晝夜長流沿河秧水已足餘水儘放在古城堰其龍王娘娘堰蓄積冬水又東龍鬚溝上水低田高溝水不能入田建龍潭箐閘蓄水灌溉又正河下六排地居河尾排水塘水均不能用於文殊閘上建三箐壩又於楊宣坡箐口開蓮花池

又於北教場上開黑泥塘積秋冬雨水灌溉下六排田畝至修理事宜石工椿木官爲動項買備土工人夫各按田頭派出再查此河中四排黑白二龍潭水合流之處白龍潭水流下沙泥沖塞河身應建送水雞舌石岸一堵偪送沙石下白龍潭閘入盤龍江又老張箐溝口沙泥流下沖塞河身應於溝口建偪沙閘一座免致沖塞又北門外一帶地勢低窪東受盤龍江漲水爲患西受北教場一帶雨水爲患應將蓮花池右和尙閘河身開挖寬長至童子橋下會正河尾入盤龍江以免水患

